



UNIVERSITÄTS-  
BIBLIOTHEK  
PADERBORN

**R. P. Lvcæ Pinelli Societatis Iesv, Theologi, Exercitia  
Spiritualia Qvadragesima, De Sacrosancto Eucharistiæ  
Sacramento**

**Pinelli, Luca**

**Coloniae, 1608**

Exercitium XVI. Sacramentum hoc etiam contra inimicos corporis  
prodesse.

---

[urn:nbn:de:hbz:466:1-59691](https://nbn-resolving.org/urn:nbn:de:hbz:466:1-59691)

## DOCUMENTVM.

**F**ili da operam, vt augustissimum hoc Sacramentum habeas, non in baculo vti rusticus hic, sed in corde: DEO per voluntatem vnitus esse, eiq; semper dicere sat agendo: Fiat voluntas tua: gaudendo etiam, quando cunque tibi Sacramentum hoc honorandi præbetur occasio: hoc etenim faciens, portabis illud in corde.

Orabis pro pace & vnione inter Christianos Principes, vt inter se mutuo, & cum capite suo I E S V Christo coniuncti sint.

## EXERCITIUM XVI.

*Sacramentum hoc etiam contra inimicos corporis prodesse.*

## PVNCTA MEDITATIONIS.

**C**ONTEMPLARE anima mea, Venerabile hoc Sacramentum appellari, Hostiam, id est, sacrificium contra hostes, quia reddit nobis DEVM adiutorem contra hostes, non tantum spirituales, sed etiam corporales, quos quando expedit, confundit & castigat.

2. **CONSIDERA** quomodo irruentibus Saracenis Assisij, in monasterium S. Claræ, cum illa vr̄a barbarorum incurfu sacras Virgines tueretur, sanctissimum hoc Sacramentum, eo in loco per quem ascēdebant, constituisset, illi huius Sacramenti virtute prostrigati fuerint, nonnulli etiam cæcitate percussi, in terram præcipites se dederint.

3. **EXPENDE** tecum, quia in sacrosancta Eucharistia Christus IESVS, iustorum protector & defensor, præsens est, credibile esse, illum etiam eos in omnibus necessitatibus tueri, & contra omnes hostes protegere.

4. **CONSIDERA**, Sanctam Ecclesiã in bellorum periculis, alijsque necessitatibus, & discriminibus hostium, ad gratam & salutiferam hanc Hostiam pro auxilio confugere consueuisse: quod non faceret, nisi magnam illius aduersum corporeos hostes virtutem esse intelligeret.

5. **REVOLVE** tecum, sacram hanc Hostiam tum multò amplius virtutem suã demonstrare, quando hostes cum quibus res est, infideles aut hæretici sunt, quemadmodum in Germania & Flandria sæpè accidit: vbi paucissimi etiam milites, de huius sanctissimi Sacramenti virtute confisi, sin-

gulares & miraculosas de ingentibus hæreticorum copijs, victorias retulerunt.

## COLLOQVIUM.

**Q**uid est quod tantoperè miraris Anima mea? Nū quod ad conspectum & præsentiam potentissimi huius Sacramenti, non modò Dæmones contremiscant, sed etiam corporales inimici diffugiant? Ne mireris hoc, quia sine illius, qui in hoc Sacramento reuera præsens est, voluntate, nulla creatura se mouere, nec quicquam magnum vel paruum facere potest. Domine, si hoc verum est, uti verò verius est, valde parum dixit seruus tuus Iob, quādo ait: *Pone me iuxta te, & cuiusuis manus pugnet contra me.* Ego verò plus dicam. *Pone me iuxta te, & manus omnium pugnent contra me.* non enim est quod sub tali protectore metuam. Dicā adhuc amplius: Insurgat contra me infernus, & tartaræ potestates armatæ bellum aduersum me comparent, modo tu mihi assistas, meque tuearis, *non timebit cor meum, quoniam tu mecum es.* Secura esto Anima mea, quamdiu DEVS tecum, & pro te fuerit, nemo tibi nocenti quicquam inferre poterit. Audi quid dicat Apostolus: *Si DEVS pro nobis, quis contra nos?* Contra DE-

v m & contra illos, qui proteguntur à Deo, nulla præualet potentia, nulla sapientia. Recordare Anima mea, quod Dauid adhuc puer, certamen cum Goliath Gigante initurus, abiecit arma Saulis, atque confusus in Deo, vastam illam carnis molem, Goliath videlicet Philistæum, qui solus toti exercitui Israelitico terrori erat, prostravit & interfecit. O sancte Dauid, quam iuste postea dicere potuisti. *Beatus vir, cuius est auxilium à DEO.* Insaniam igitur mundus quantum vult & potest, si pro se non haberit Christum Saluatorem, nihil efficiet. *Nisi enim Dominus edificauerit domum: in vanum laborauerunt qui edificauerunt eam. Nisi Dominus custodierit ciuitatem frustra vigilat qui custodit eam.* Eia anima mea, noli mirari quod creaturæ nihil possint aut valeant in comparatione Creatoris, cuius potestas est infinita: homines verò tantum possunt, quantum ille vult, non amplius. Admirare potius, quod cum sit tantæ potentia, non vliscatur se de illis, qui sceleribus suis eum offendunt: quique percepto singulari cælestis huius Sacramenti dono, tanto beneficio ingrati sunt, nec illum, ea qua decet reuerentia, tractant.

## ORATIO.

**A**D te confugio omnipotens DEVS, cuius potentia nemo potest resistere, quia cum ego valde imbecillis & egenus sim, atque hostes mei innumeri ac potentes: nisi tu mihi opituleris, perij. Quobrem Domine, extende manum dexteram tuam super me, ne ab ijs, qui mihi nocere cupiunt, damnum aliquod patiar, & a te protectus, cantem tibi cum filijs Israel. Dextera Domini fecit virtutem, Dextera Domini exaltauit me, non moriar, sed viuam & narrabo opera Domini. Amen.

## MIRACVLA.

**D**E Magno illo Constantino, Imperatore non minus pio, quam in bello inuicto, memoriae proditum est, eum tantam fiduciam in Sacramento hoc semper habuisse, vt nunquam praelium cum hostibus suis inire consueuerit, nisi prius milites sui sacrosanctam Hostiam in Missa, quam super altari portatili ante congressum fieri iubebat, consecratam, venerati fuissent & adorassent.

DE SAC. EŪCHARISTIAE. 127

*taffent. Euseb. in vita Constant.*

Carolus Magnus in omnibus expediti-  
onibus bellicis, quales plurimas habuit, ex  
quibus etiam gloriosas sæpè reportauit vi-  
ctorias, tantam spem in diuino hoc Sacra-  
mento repositam habebat, vt antequam  
eum hostibus manus confereret, illius se  
virtute armaret, vti refertur in Summa præ-  
dicant. *de bello. num. 23.*

Ludouicus XII. Galliarum Rex, cùm in  
florentissimum Galliarum regnum coniurati  
hostes vndeque insurgerent, ad reprim-  
endos hostium conatus, auxiliique diui-  
ni consecutionem, iussit sub eleuatione  
corporis & sanguinis Domini, à choro fi-  
delium alta voce hunc hymnum decanta-  
ri. *O salutaris Hostia, quæ celi pandis ostium, bella  
premunt hostilia, da robur, fer auxilium. Nec  
vanafuit hæc Regis erga sacrosancta hæc  
mysteria deuotio. De v s enim tam gratã  
eam habuit, vt partim sanctissimi huius Sa-  
cramenti, partim piarum precum virtute,  
Gallia à coniuratorum machinationibus  
liberata fuerit. Durant. de rit. Eccles. lib. 2. ca-  
40. num. 7.*

## DOCUMENTVM.

**I**Ntuere Fili, quomodo magni etiam iuxta seculum Principes, & Imperatores inuicti, sacrosanctam Eucharistiam singulari deuotione, & cultu venerati fuerint. Aspice præterea, quomodo DEVS eosdem multis beneficijs decorauerit, atque victorijs quam plurimis inlytos reddiderit: ita & tu, si caelesti huic Sacramento deuotus fueris, & singularem ad illud affectionem gesseris, victoriam contra hostes tuos consequeris; & quod maius est, à DEO adiuuaberis, atque multis ab eo donis & beneficijs cumulaberis.

Orabis pro illis, qui pro Catholica fide, contra hostes eiusdem fidei bella gerunt, vt DEVS illos à periculis eximat, atque peccandi occasiones submoueat.

EXER.